



ԳՆՈՒՄՆԵՐԻ ԲՈՂՈՔԱՐԿՄԱՆ ԽՈՐՀՈՒՐԴ

ք. Երևան

18.06.2015թ.

Ո Ր Ո Շ ՈՒ Մ

ՀՀ գնումների բողոքարկման խորհրդի

ՍՑ-10/15

ՀՀ գնումների բողոքարկման խորհրդի (այսուհետ նաև՝ Խորհուրդ) քննող հանձնաժողովը՝ գործելով Խորհրդի անունից և ուսումնասիրելով ՀՀ ֆինանսների նախարարության 15.01.2015թ. N 73-1/750364-15 գրությամբ «Հով-Գրիգ Շին» ՍՊԸ-ին (ՀՎՀՀ 03532244) գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքը (այսուհետ նաև՝ ՍՑ-ԳԲԽ-10/15 բողոք), ինչպես նաև ՍՑ-ԳԲԽ-10/15 բողոքի վերաբերյալ «Գնումների աջակցման կենտրոն» ՊՈԱԿ-ի (այսուհետ նաև՝ Կենտրոն) 16.06.2015թ. ներկայացրած եզրակացությունը, պարզեց.

1. ՀՀ ֆինանսների նախարարության ներկայացրած պահանջը

ՀՀ ֆինանսների նախարարությունը 15.01.2015թ. N 73-1/750364-15 գրությամբ դիմել է «Գնումների աջակցման կենտրոն» ՊՈԱԿ-ին (այսուհետ նաև՝ Կենտրոն)՝ առաջարկելով ուսումնասիրել «Հով-Գրիգ Շին» ՍՊԸ-ին (այսուհետ նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում (այսուհետ նաև՝ Ցուցակ) ներառելու հիմքերը և այդպիսի հիմքերի առկայության դեպքում ձեռնարկել անհրաժեշտ միջոցներ Ընկերությանը Ցուցակում ներառելու համար:

2. «Հով-Գրիգ Շին» ՍՊԸ-ի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը, հիմք ընդունելով «Գնումների մասին» ՀՀ օրենքի 5-րդ հոդվածի 1-ին մասի 4-րդ կետի «ա» ենթակետը, կարծիք ստանալու նպատակով 20.01.2015թ. N 09/032-68 գրությամբ դիմել է «Հով-Գրիգ Շին» ՍՊԸ-ին:

«Հով-Գրիգ Շին» ՍՊԸ-ն 29.01.2015թ. N 04 գրությամբ Կենտրոնին հայտնել է, որ Ընկերությունը նախորդ տարվա ընթացքում չի ունեցել նմանատիպ խախտումներ և միաժամանակ տեղեկացրել է, որ Երևանի քաղաքապետարանի գրությամբ նշված 692835 ՀՀ դրամի չափով չկատարված աշխատանքները «Հով-Գրիգ Շին» ՍՊԸ-ի կողմից արդեն ամբողջությամբ կատարվել են:

3. Երևանի քաղաքապետարանի ներկայացրած փաստարկները և դիրքորոշումը

«Գնումների աջակցման կենտրոն» ՊՈԱԿ-ը 20.01.2015թ. N 011/032-66 գրությամբ դիմել է Երևանի քաղաքապետարանին՝ խնդրելով կարծիք տալ Ընկերությանը Ցուցակում ներառելու հարցի վերաբերյալ:

Պատվիրատուն 29.01.2015թ. N 02/61-2741h գրությամբ տրամադրել է Երևանի քաղաքապետարանի և «Հով-Գրիգ Շին» ՍՊԸ-ի միջև 08.04.2014թ. կնքված «ԵԲ-ԲԸԱՇՁԲ-14/41-1» ծածկագրով պայմանագիրը (այսուհետ նաև՝ Պայմանագիր) և Պայմանագիրը միակողմանի լուծելու հիմքերը:

Վերը նշված փաստաթղթերի ուսումնասիրությամբ պարզվել է, որ Պայմանագրի թիվ 1 հավելվածով՝ ծավալաթերթ 5-ով (այսուհետ՝ Ծավալաթերթ) նախատեսված 35 635 543 ՀՀ դրամ ընդհանուր արժեքի աշխատանքներից 692 835 ՀՀ դրամի չափով աշխատանքներն Ընկերության կողմից չեն կատարվել, ինչի արդյունքում Պայմանագիրը միակողմանի լուծվել է:

Կենտրոնը 04.03.2015թ. թիվ 011/032-380 գրությամբ դիմել է Երևանի քաղաքապետարանին՝ խնդրելով հայտնել, թե Ընկերության կողմից 692 835 ՀՀ

դրամի չափով չկատարված աշխատանքների մեջ Ծավալաթերթով նախատեսված ինչ աշխատանքներ են ներառված:

Ի պատասխան Կենտրոնի վերոհիշյալ հարցմանը՝ Երևանի քաղաքապետարանը 20.03.2015թ. թիվ 02/61-12501h գրությամբ ներկայացրել է Երևանի քաղաքապետարանի և «Հով-Գրիգ Շին» ՍՊԸ-ի միջև 08.04.2014թ. կնքված «ԵՔ-ԲԸԱՇՁԲ-14/41-1» ծածկագրով պայմանագրի շրջանակներում Ընկերության կողմից 692 835 ՀՀ դրամի չափով չկատարված աշխատանքների ծավալները՝ ըստ կազմված համապատասխան աղյուսակի:

4. ՍՑ-ԳԲԽ-10/15 բողոքի վերաբերյալ «Գնումների աջակցման կենտրոն»

ՊՈԱԿ-ի դիրքորոշումը

«Գնումների աջակցման կենտրոն» ՊՈԱԿ-ը Խորհրդին է ներկայացրել իր 16.06.2015թ. եզրակացությունը և առաջարկել է ՀՀ ֆինանսների նախարարության 15.01.2015թ. N 73-1/750364-15 գրությամբ «Հով-Գրիգ Շին» ՍՊԸ-ին (ՀՎՀՀ 03532244) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը բավարարել՝ Ընկերությանը ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված մեկ տարվա ընթացքում Ընկերության կողմից գնումների գործընթացին մասնակցելու հայտ ներկայացնելու դեպքում, այդ պահից հաշված երեք տարի ժամկետով:

5. ՍՑ-ԳԲԽ-10/15 պաշտոնական ընթացակարգով նախաձեռնված բողոքի քննության համար էական նշանակություն ունեցող փաստերը

ՀՀ ֆինանսների նախարարության 15.01.2015թ. N 73-1/750364-15 գրությամբ «Հով-Գրիգ Շին» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգով նախաձեռնած բողոքի քննության համար էական նշանակություն ունեն հետևյալ փաստերը՝

1. Երևանի քաղաքապետարանի և «Հով-Գրիգ Շին» ՍՊԸ-ի միջև 08.04.2014թ. կնքվել է «ԵՔ-ԲԸԱՇՁԲ-14/41-1» ծածկագրով կապալային աշխատանքների կատարման գնման պայմանագիր:

2. Պայմանագրի թիվ 2 հավելվածով՝ օրացուցային գրաֆիկով, սահմանվել են կապալառուի կողմից կատարվելիք երեք առանձին տեսակի՝ Մալաթիա-Սեբաստիայի հ. 78 մանկապարտեզի, Մալաթիա-Սեբաստիայի հ. 86 մանկապարտեզի և Նոր Նորքի հ. 106 մանկապարտեզի հիմնանորոգման աշխատանքներ:

3. Պայմանագրի թիվ 2 հավելվածով նախատեսված Նոր Նորքի հ. 106 մանկապարտեզի աշխատանքների կատարման վերջնաժամկետ է սահմանվել 25.08.2014թ.:

4. Երևանի քաղաքապետարանը 20.03.2015թ. թիվ 02/61-12501h գրությամբ Կենտրոնին հայտնել է, որ Երևանի քաղաքապետարանի և «Հով-Գրիգ Շին» ՍՊԸ-ի միջև 08.04.2014թ. կնքված «ԵՔ-ԲԸԱՇՁԲ-14/41-1» ծածկագրով պայմանագրի շրջանակներում Ընկերության կողմից չեն կատարվել կամ թերի են կատարվել Նոր Նորքի հ. 106 մանկապարտեզի հիմնանորոգման թվով 10 աշխատանքներ՝ 692 835 ՀՀ դրամի չափով:

Ըստ Երևանի քաղաքապետարանի կողմից ներկայացված ամփոփ աղյուսակի՝ այդ աշխատանքներն են՝

1. ***Տանիքի փայտե կոնստրուկցիաների իրականացում հին փայտանյութով.***

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 16,32 մ³ ծավալով, սակայն փաստացի կատարվել է 13,180 մ³, այսինքն՝ չի կատարվել 3,1 մ³,

2. ***բացվածքների փոքրացում 200մմ հասար. բլոկներով.***

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 10,4 մ³ ծավալով, սակայն փաստացի կատարվել է 7,33210 մ³, այսինքն՝ չի կատարվել 3,1 մ³,

3. ***մետաղապլաստե պատուհան 60մմ 4+4մմ սպիտակ բացվող արտ. երկիր.***

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 82,48 մ² ծավալով, սակայն փաստացի կատարվել է 75,08 մ², այսինքն՝ չի կատարվել 7,4 մ²,

4. մեքաղապլասփե պափուհան 60մմ 4+4մմ սպիփակ չբացվող արփ. երկիր.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 305,2 մ² ծավալով, սակայն փաստացի կատարվել է 285,8 մ², այսինքն՝ չի կատարվել 19,4 մ²,

5. մեքաղապլասփե սպիփակ արփաքին դռան փեղադրում արփ. երկիր ներքին.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 3,1 մ² ծավալով, սակայն այդ աշխատանքն ընդհանրապես չի կատարվել,

6. պափերի և շեպերի ներկում լափեքսային ներկով.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 103,8 մ² ծավալով, սակայն այդ աշխատանքն ընդհանրապես չի կատարվել,

7. արփաքին պափերի սվաղ 9/ավազե շաղախով.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 26 մ² ծավալով, սակայն փաստացի կատարվել է 24 մ², այսինքն՝ չի կատարվել 2,0 մ²,

8. պափերի և շեպերի ներկում ֆասադային ներկով ծեփամածկումով.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 130,1 մ² ծավալով, սակայն այդ աշխատանքն ընդհանրապես չի կատարվել,

9. մեքաղապլասփե խուլ միջնորմի փեղադրում արփ. երկիր.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 17,2 մ² ծավալով, սակայն փաստացի կատարվել է 15,48 մ², այսինքն՝ չի կատարվել 1,7 մ²,

10. մեքաղապլասփե խուլ միջնորմի փեղադրում արփ. երկիր.

Պայմանագրի թիվ 1 հավելվածով՝ ծավալաթերթ 5-ով պահանջվել է նշված աշխատանքը կատարել 51,6 մ² ծավալով, սակայն փաստացի կատարվել է 43 մ², այսինքն՝ չի կատարվել 8,6 մ²:

5. Երևանի քաղաքապետարանի 30.12.2014թ. թիվ 61/4040 գրությամբ Պայմանագիրը միակողմանի լուծվել է՝ ՀՀ քաղաքացիական օրենսգրքի 466-րդ հոդվածի 3-րդ և Պայմանագրի 3.1.7 կետերի հիմքով:

6. Պայմանագրային պարտավորությունների խախտման հետևանքով Պատվիրատուի կողմից «Հով-Գրիգ Շին» ՍՊԸ-ի նկատմամբ հաշվարկվել է 5 000 000 ՀՀ դրամի չափով տուժանք, ինչի վերաբերյալ 30.12.2014թ. թիվ 61/4040 գրությամբ տեղեկացրել է Ընկերությանը, սակայն վերջինիս կողմից այդ գումարները չեն վճարվել:

6. Խորհրդի հիմնավորումները և եզրահանգումը

Քննելով ՍՑ-ԳԲԽ-10/15 բողոքը, Խորհուրդը գտնում է, որ այն ենթակա է բավարարման հետևյալ հիմնավորմամբ.

«Գնումների մասին» ՀՀ օրենքի (այսուհետ նաև՝ Օրենք) 5-րդ հոդվածի 1-ին մասի 4-րդ կետի «ա» ենթակետի համաձայն՝ մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե հայտը ներկայացնելու պահին նախորդող տարվա ընթացքում ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորություն, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը:

Օրենքի 48-րդ հոդվածի 6-րդ մասի 7-րդ կետի համաձայն՝ ՀՀ գնումների բողոքարկման խորհուրդն իրավունք ունի որոշում կայացնելու մասնակցին գնումների գործընթացին մասնակցության իրավունք չունեցող մասնակիցների ցուցակում ներառելու համար:

ՀՀ կառավարության 10.02.2011թ. N 168-Ն որոշմամբ հաստատված «Գնումների գործընթացի կազմակերպման» կարգի (մինչև ՀՀ կառավարության 30.01.2015թ. 105-Ն որոշմամբ կատարված փոփոխությունների խմբագրությամբ) 149-րդ կետի 5-րդ ենթակետի «ա» պարբերության համաձայն՝ «Գնումների մասին» ՀՀ օրենքի 5-րդ հոդվածի 2-րդ մասով նախատեսված՝ գնումների բողոքարկման խորհրդի ընդունած

որոշման հիման վրա մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է երեք տարի ժամկետով, եթե ավելի քան մեկ անգամ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը, որի հետևանքով պատճառված վնասի, հաշվարկված տույժի կամ տուժանքի չափը գերազանցում է գնումների բազային միավորի տասնապատիկը կամ սույն կետի 1-ին, 2-րդ և 3-րդ ենթակետերով նախատեսված վնասը, հաշվարկված տույժը կամ տուժանքը չի վերականգնվել մինչև բողոքարկման խորհրդի կողմից համապատասխան որոշում ընդունվելը:

Պայմանագրի 3.1.4 կետի «բ» ենթակետի համաձայն՝ Պատվիրատուն իրա-վունք ունի միակողմանի լուծել Պայմանագիրը և պահանջել հատուցելու իրեն պատճառված վնասները, եթե կապալառուն խախտել է նույն պայմանագրի 1.3 կետում նախատեսված ժամկետը (ներառյալ օրացուցային գրաֆիկը):

Այսպիսով, «Հոլ-Գրիգ Շին» ՍՊԸ-ն ավելի քան մեկ անգամ խախտել է Պայմանագրով ստանձնած պարտավորությունը, այն է՝ խախտել է Պայմանագրի թիվ 2 հավելվածով՝ օրացուցային գրաֆիկով նախատեսված Նոր Նորքի հ. 106 մանկապարտեզի հիմնանորոգման աշխատանքների կատարման համար սահմանված ժամկետները, թերի է կատարել և ընդհանրապես չի կատարել Պայմանագրի թիվ 1 հավելվածով՝ Ծավալաթերթով նախատեսված թվով 10 կատարման ենթակա աշխատանքները:

Նկատի ունենալով, որ Ընկերության կողմից Պայմանագրով նախատեսված պարտավորությունները խախտվել են ավելի քան մեկ անգամ և վերոնշյալ խախտումները հանգեցրել են Պատվիրատուի կողմից Պայմանագրի միակողմանի լուծմանը, որի հետևանքով հաշվարկված վնասը, տույժը և տուժանքը մինչև բողոքարկման խորհրդի կողմից համապատասխան որոշում ընդունվելը Ընկերության կողմից չի վերականգնվել, ուստի Խորհուրդը գտնում է, որ առկա են հիմքեր «Հոլ-Գրիգ Շին» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ընդգրկելու համար:

Ելնելով վերոգրյալից և ղեկավարվելով «Գնումների մասին» ՀՀ օրենքի 48-րդ հոդվածի 6-րդ մասի 7-րդ կետով՝ ՀՀ գնումների բողոքարկման խորհուրդը

Ո Ր Ո Շ Ե Ց

ՀՀ ֆինանսների նախարարության 15.01.2015թ. N 73-1/750364-15 գրությամբ «Հով-Գրիգ Շին» ՍՊԸ-ին (ՀՎՀՀ 03532244) գնումների գործընթացին մասնակցելու իրավունք չունեցող մասնակիցների ցուցակում ընդգրկելու պաշտոնական ընթացակարգով նախաձեռնած բողոքը բավարարել՝ «Հով-Գրիգ Շին» ՍՊԸ-ին ներառել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների բողոքարկման խորհրդի որոշումը կայացվելու օրվանից հաշված մեկ տարվա ընթացքում Ընկերության կողմից գնումների գործընթացին մասնակցելու հայտ ներկայացնելու դեպքում, այդ պահից հաշված երեք տարի ժամկետով:

ՀՀ գնումների բողոքարկման խորհրդի որոշումն իրավապարտադիր է:

ՀՀ գնումների բողոքարկման խորհրդի կայացրած որոշումը կարող է բողոքարկվել դատական կարգով:

Բողոքը քննող հանձնաժողով՝

Նախագահ՝



Արման Մնացականյան

Անդամներ՝



Հարություն Մարտիրոսյան



Համիկ Մնացականյան